

弘治徽州府志

徽州府志序

徽素為文獻之邦文獻所存郡志所存也宋羅願李以申元洪焱祖先後踵脩之皆曰新安郡志山川人物大率已載逮我

朝郡守孫君遇周君正又嘗次第續之所未大備者蓋有待也弘治庚申冬蘭州彭君澤以秋官正郎擢守是郡不期月而仁心德政敷於千里間取

徽州府志序

卷一

卷一

舊志展閱遂慨然注意於斯爰告諸巡撫都憲安成彭公彥恭曰文獻足徵盛事也宜亟成之然當易其新安故名名曰徽州府志則於

聖制為不悖矣太守乃禮延郡中名筆若汪憲副從仁輩聚于一局殆五閱月脩纂將畢預緘凡例目錄授知事畢鵬持至金陵且致都憲公初意屬予以序惟夫郡有志一郡之文獻係焉

若地理若食貨若封建若職制若公署若學校若祀典若郵政若選舉若人物若宮室寺觀祥異詞翰無一而不志也至如事不可以類分者亦附於卷末謂之拾遺用見都憲公領袖之明太守宅心之勤憲副立例之精宣率爾而成者比耶況是郡實惟朱晦庵文公鄉井所在故嘗曰山峭厲而水清激君子務為高行奇節至于

今未始不然夫有如是之山川則有如是之文物矧我

高皇祖定鼎金陵而徽又為畿輔重地是以

累朝皆擇賢中丞以撫斯境擇賢守令以牧斯民考諸名宦蓋無或遺後來覽斯志者匪但廣資見聞而已如忠壯程公越國汪公英風義槩凜凜不磨晦庵為命世大儒著書立言羽翼

六經千萬古道學賴以宣明者誰之功也而吳少微胡雲峯陳定宇汪環谷諸子亦皆儒林之表表者語忠節則有立信澤民之二汪語孝友則有查道祝確詹惠明曹矩之輩徽之文獻有足徵者其不在茲乎然非太守如彭之賢文章政事綽然有餘方於清暇續脩此志用示將來則前代賢哲雖紀于信史載于

國志是郡士庶縱景仰不替安得遍觀盡考如是之詳明無疑也哉志成而侍御羅山劉君東之按節聿臨命鋟諸梓則後千百載無復文獻不足之歎矣予故序此以告夫後之生于斯者勉焉守于斯者省焉

弘治十有五年壬戌夏五月望日

賜進士資善大夫南京吏部尚書前國子祭酒

經筵講官

太子左諭德同脩

國史三山林瀚序

徽州府志序

徽州府為古新安郡郡之有志權輿於
梁蕭幾王篤之記歷百餘年有唐之圖
經又三百五十餘年有宋太平興國之
廣記又三十餘年有大中祥符之新圖
經又百五十餘年有淳熙乙未羅鄂州
願之志又六十年有端平乙未李教授
以申之續志又八十餘年有元延祐己
未洪縣尹焱祖之後續志及

徽州府志序

一

卷之十

國朝洪武丁巳則又幾六十年矣自新圖
經以上不復可見於是朱禮侍同乃彙
括三志合而續之以為一書迄今又百
二十餘年中間景泰成化前守孫公遇
周公正兩經增集簡略弗傳所傳者惟
洪武志夫志大事也郡之山川人物典
章儀度於是乎寓志之作否視守之賢
否何如爾圖經廣記及洪武志皆出
詔編若羅志則成於趙不悔李志成於劉

炳洪志成於朱霽暨蕭幾皆賢守也學不博者不能為才不優者不暇為識不遠者昧於取舍為之苟且見不定者沮於旁議為之遷就蓋一登于冊斯垂不朽而名者衆之所趨此其為之所以不易弘治庚申刑部郎中彭公澤來知府事明年政通人和適舜民丁內艱里居讀禮汲汲舉志事見屬固以憂辭而使幣繼至家君抑齋翁勗之曰鄉先正朱

徽州府志序

二

文公丁常齋憂遵遺訓稟學于胡籍溪劉草堂劉屏山之門且遷居以奉母其丁祝碩人憂日居墓側旦望歸奠几筵因成喪祭禮又推之冠婚共為一編命曰家禮蓋事有關於遠且大者非忘哀也今汝旣襄事以我在不當居墓側而郡公實舉百年廢典苟能心不忘哀暫往以成其美則吾宗與吾鄉之文獻並與表章之列未必非孝也奚辭之有不

得已偕弟鄉進士天民儒士生民樞練
甫畝以往則彭公與同知三山李公燁
通判睢陽陳公理推官瓊臺梁公繼和
衷協議先檄六縣賢令樂清朱君諫倚
氏翟君敬平原聶君瑄江夏韓君伯清
文安張君偉鄱陽胡君漢博采事蹟各
有報章又召教授黃君湜教諭鄭君宏
王君傑江君鈇訓導唐君鼎車君文昌
韓君洪卿徐君炯王君介及庠生汪沂

楊瑄程敏亨程堂汪木汪潮胡相任榮
俱在開局紫陽觀以遠市囂本之舊志
叅之史傳及諸家集錄與夫金石之文
編摩間鄉塾師王宗植至得景泰集本
時周公以雲南方伯致政居鄱陽彭公
乃馳書以請得成化集本且以其事白
于巡撫都憲安成彭老先生舜民又間
得請教于致政禮侍康公永韶由是舉
凡立例凡所當錄者不知則已知則不

敢少遺其所不當錄者一毫不敢少徇
甫四閱月次第就緒而忿者乃匿名以
飛語相激彭公曰惟其是而已勿卹也
又閱月而編始成可謂難矣舜民因此
益嘆羅李洪朱數君子者為不可及而
歷代所以屢廢而不舉者無足怪也今
日之事使非彭公學之博才之優識之
遠見之定而徒恃區區之淺陋曷克底
此旣徹局巡按侍御羅山劉先生東之

徽州府志序

四

行部至郡彭公又白其事將壽諸梓敢
述所由以俟有道君子正焉彭公字濟
物號韋庵長沙世家寓居金城起家名
進士云弘治壬戌夏四月朔旦郡後學
汪舜民序

徽州府志凡例

一本府唐宋圖經廣記俱無可考惟宋羅鄂州願著新安志李教授以申著新安續志元洪縣尹焱祖著新安後續志及

國初朱禮侍同總爲一志傳錄僅存景泰間孫知府遇成化間周知府正兩經增續畧而未備今之纂脩雖祖舊志而易新安之名爲徽州府遵時制也其事目亦遵

大明一統志立例但一統志乃天下之事不得不簡本志特一郡之事不得不詳故於其已載而未備者增之未載

徽州府志凡例

一

通

而可采者補之事無可考者闕之事有當紀者續之舊志舛訛者兼考史傳以正之

一六縣事蹟以類纂輯首地理次食貨又次封建職制公署學校祀典郵政選舉人物宮室寺觀祥異詞翰而終之以拾遺蓋建立郡邑既定然後山川城郭鄉市之類有所附田地戶口貢賦之類有所統由是建官而設屬由是敬神而愛民由是育材而取士若夫地因人勝宮室寺觀祥異又皆地之所有而紀其勝非文不可也畧有次第云

一名宦人物必沒世而後載之庶無異議惟科貢所錄不
間存沒蓋止題其名不係於人之賢否也

一舊志人物分道學先達儒林等類殊不知道學特儒之
大者爾不可分也本志雖不從舊亦畧用西山續文章
正宗例分勲賢等類以便稽考

一五代及宋初人物有仕於南唐者雖不得與中朝之臣
並例其有一節可取者亦隨類纂入

一孝友所志必其人已沒及雖未沒而已沐

旌表則爲之作傳其餘存者但於拾遺中志之以俟將來蓋

徽州府志九例

二

通

行父母之遺體晚或衰惰一行少虧亦非孝矣若貞女
烈婦已沐

旌表者固在所錄或有呈報郡縣不幸未及

上聞亦有

上聞未蒙覈報而爲鄉邦共知者其誠心苦節足以勵俗今
皆慎擇而並錄之蓋女婦之德惟貞即可錄年過五十
亦例所當旌非士之孝友比也

一仙佛怪異之說固不敢信但土俗流傳圖志記載難以
遽削姑存其畧

一詞翰不能廣載亦不敢以工拙爲去取惟采其有關於
本郡事蹟及可以備本志之闕畧者或但斷章摘句各
附於本類之下以備觀覽然必人已沒世始錄之不敢
妄及今之作者

一舊志事蹟宋元頗詳

國朝自洪武至今累有纂脩實錄以郡志久不脩而實錄副
本散藏纂脩儒生家代謝不一粹難采輯姑以所得并
取計簿益之尚俟後之君子博采以補其闕

徽州府志目錄

卷之一

地理一

建置沿革

郡名

分野

疆域

里至附

形勝

風俗

山川

城池

坊市

廂隅鄉都

卷之二

地理二

橋梁

津渡附

古蹟

古墓

徽州府志目錄

食貨一

田地

戶口

水利

土產

土貢

卷之三

食貨二

財賦

軍需徭役附

卷之四

封建

咸曉附

職制

郡縣官屬 兵衛官屬 名宦

卷之五

公署

學校

書院堂塾樓
舍社學附

祀典

壇壝

祠廟

郵政

倉局

庫院義
塚附

蠲賦

賑饑養
老附

卷之六

徽州府志目錄

二

士

選舉

科第

歲貢

薦辟

吏材

卷之七

人物一

勲賢

儒碩

文苑

卷之八

人物二

官業

卷之九

人物三

忠節

孝友

義勇

武功

封贈

隱逸

卷之十

人物四

寓賢

列女

藝術

仙釋

宮室

寺觀

祥異

卷之十一

詞翰一

辭命

表疏

書

題跋

論

雜著

啓

上梁文

祭文

銘箴

贊頌

辭賦

詩章

序

卷之十二

詞翰二

記

拾遺

徽州府志目錄

終

徽州府志目錄

四

高

徽州府山阜水源總圖

寧國縣界

池州府界

北

東

歙縣

徽州府

休寧縣

黟縣

祁門縣

婺源縣

南

送安縣界

開化縣界

